



Inatsisartunut ilaasortaq,
Erik Jensen
Siumut
Maani/

**Avataasiortunut pisassiissutinin neqeroortitsineq pillugu § 37 naapertorlugu
apeqqummut nr. 121-2026-mut akissut**

10-07-2026
Suliap normua: 2026 - 13073
All. nr.: 26650038

Inatsisartut suleriaasianni § 37, imm. 1 naapertorlugu 2026-mut Kitaani Tunumilu avataasiortunut pisassiissutinin neqeroortitsineq pillugu Naalakkersuisunut apeqqutit uanga suliassaqaqfinnut innersuunneqarsimavoq.

Postboks 269
3900 Nuuk
Oq. (+299) 34 50 00
Fax. (+299) 34 63 55
E-mail: apn@nanoq.gl
www.naalakkersuisut.gl

- 1. Naalakkersuisut nutaamik 26. Juni 2026 pisassiissutinin neqeroortitsinerminni Aasianni tunitsivimmut tulaassisussaaitaanermut piumasaqaataanni, aalisakkat tulaanneqartut qanoq akilerlugit tulaanneqartarnissaat isummerfiginikuuvaat?**

a. Taamaassimappat minnerpaamik qanoq akeqartinneqarpat ?

1)-mut Naalakkersuisut akinik aalajangersaanernut akulerunneq ajorput, naatsorsuutigaallu taakku niuerfinni akit ineriartornerannik tunngaveqartut.

- 2. Naalakkersuisut ingerlatseqatigiiffimmut Aasiannut tulaassisusussanngortitaasumut piumasaqaatitalimmut aki pitsaanngitsoq neqeroortigineqassagaluarpat tamanna qanoq kinguneqartinneqassava aammalu qanoq Naalakkersuinikkut suliareqqinneqassava?**

2)-mut Ingerlatseqatigiiffik pisassiissummut neqerooruteqartoq aalisakkerivimmut nammineq piginnisaminut tulaassiniarpat akimut aalajangersimasumut isumaqatiginninniarnissaa niuerfinniluunniit akimik neqeroorfigineqarnissaa naatsorsuutigineqartartariaqarpoq. Akit tamarmik www.GFJK.gl-mi tamanut saqqummiunneqartarput sap. akunnerillu tamaasa nutarterneqartarlutik, ammasuunissaq qulakkeerniarlugu. Naalakkersuisut akinik aalajangersaanernut akulerunneq ajorput, naatsorsuutigaallu taakku niuerfinni akit ineriartornerannik tunngaveqartut.

- 3. Pisassiissutiginiarneqartuni ingerlatseqatigiiffiit nutaat ullumikkut avataasiorluni aalisartuunngitsut qinnuteqarnissaat piumasarineqarpoq. Imaappa ingerlatseqatigiiffik toqqaannartumik toqqaannanngitsumillu aamma piginneqataasut nutaamik ingerlatseqatigiiffiliorarluni qinnuteqarsinnaasut?**

3)-mut Neqeroortitsineq 1-imut ullumikkut avataasiorlutik aalisartuunngitsunik ingerlatsisunik nutaanik piumasaqaatitalimmut atatillugu imaappoq piginnittut tamarmik ullumikkut avataasiorlutik aalisarnermut peqataanersut ingerlatsinersulluunniit nalilersorneqartarlutik. Piginnittoq ataaseq avataasiorlutik aalisarnermut pioreersumut akuliusimappat, ingerlatseqatigiiffik neqeroortitsinermut peqataasinnaanavianngilaq.

Tassunga atuutinngitsutuaq tassaavoq soraarnerussutisiassanut ingerlatseqatigiiffiit avataasiorlutik ingerlatseqatigiiffinnut aningaasaliisimasinnaanerat kiisalu ingerlatseqatigiiffimmi nutaami peqataasinnaasumi piginneqataasinnaanerat. Matumani aalisarneq pillugu inatsimmi tunngaviit aallaavigalugit aningaasalersuinissaq qulakkeerniarlugu.

4. Neqeroortitsinermi pisassiissutiniq ingerlatseqatigiiffinnut nutaanut siammaaniarnermi piginnittut amerlasuujunissaannik piumasaqarneq qanoq paasisariaqarpa? Amerlanerusut; qassiugamik?

4)-mut Neqeroortitsinerup allassimanera malillugu qinnuteqaatinik nalilersuineri piginnittut amerlassusaat ilanngullugit nalilersorneqassapput. Piginnittut amerlanerugaangata pitsaanerulluni. Taamaattumik qinnuteqaatit tamarmik, neqeroortitsineri piumasaqaatinik naammassinninnissamut atatillugu, inissititerneqarneranni piginnittut amerlassusaat nalilersuineri pingaarutilittut inissisimalerpoq.

5. Ukioq 2024-imut, 2025-imut aammalu 2026-imut kitaata avataani aammalu tunumi avataasiorluni saarullittassiissutaasut kiisalu qaleralittassiissutaasut tamarmik qanoq isikkoqarpat?

a. Taakkulu selskab-inut qanoq aggulunneqarsimaneri perusunnarput.

5a)-mut Avataasiorluni pisassiissutiniq agguaneq 2021-mili naalakkersuisut.gl-imi tamanut saqqummiunneqartalerpoq, taamaattumik 2021-2026 avataasiorluni pisassiissutiniq agguanerit uani nanisinnaavatit: [TAC aamma aalisakkanik pisassiissutit](#)

b. Taakkunanilu qassi procent tulaassisussaatitaanermut ilanngullugit ersarissarneqassapput. Taakkulu fabrikkenut sorlarni tulaanneqarsimanersut ilanngullugit.

5b)-mut Kitaani avataasiorluni qaleralittanik tulaassisussaatitaaneq 25%-imiippoq. Taassuma saniatigut ingerlatseqatigiiffiit marluk; Royal Greenland A/S aamma Arctic Prime Fisheries ApS saarullittassaasa 25%-iinik tulaassisussaatitaapput.

Pisassiissutit nunami aalisakkerivinnut tulaanneqartut 2025-mi ima isikkoqarput:

Avataasiorluni qaleralittanik Kitaaneersunik tulaassineq

Najugaq	Tons (uumatillugit oqimaassuseq)
Maniitsoq	317
Paamiut	193
Qasigiannugit	1.771
Aasiaat	682

Avataasiorluni saarullittanik Tunumeersunik tulaassineq

Najugaq	Tons (uumatillugit oqimaassuseq)
Maniitsoq	1.586
Nanortalik	2.469
Nuuk	122

6. Naalakkersuisut allamik paasissutissaateqarpat?

6)-mut Paasissussat naleqquttut tamarmik neqeroortitsissummi www.GFJK.gl-miluunniit allassimapput, taakkunanilu PNNP-nik piginnittuuneq kiisalu pisassiissutit agguarneri pisanerqartarnerilu pillugit tamakkiisumik takussutissiaq ullut tamaasa nutarterneqartartoq nassaarisinnaavat.

Inussiarnersumik inuulluaqqusillunga



Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisoq